



UDRUŽENJE INŽENJERA I TEHNIČARA ŠUMARSTVA FEDERACIJE BOSNE I HERCEGOVINE
ASSOCIATION OF FORESTRY ENGINEERS AND TECHNICIANS FEDERATION OF BOSNIA AND HERZEGOVINA

T.R.N.: 1011010000430716 - Privredna banka Sarajevo

ID: 4200201050000; P.B.: 01078773

PLAN RADA

UDRUŽENJA INŽENJERA I TEHNIČARA ŠUMARSTVA FEDERACIJE BOSNE I HERCEGOVINE - UŠIT FBiH ZA 2014. GODINU

Imajući u vidu planirane aktivnosti i rezultate koje je UŠIT postigao u prethodnom periodu, okvirnim planom rada UŠIT-a za 2014. godinu predlažu se slijedeći ciljevi i odgovarajuće aktivnosti u cilju njihove realizacije.

JACANJE KAPACITETA I UNAPRIJEĐENJE RADA UDRUŽENJA

- U skladu sa iskazanim potrebama i evidentiranim nedostacima, a radi efikasnijeg djelovanja i kvalitetnijeg definisanja određenih članova i stavki Statuta, izvršiti izmjene i dopune Statuta Udruženja, sa ciljem efektivnijeg funkcioniranja Udruženja i svih njegovih organa.
- Realizirati ukoliko se iskaže potreba i u skladu sa finansijskim mogućnostima Udruženja stažiranje (internship-a) studenata šumarstva u cilju pružanja tehničke podrške Sekretaru Udruženja.
- Izvršiti redizajniranje web stranice Udruženja sa upotpunjavanjem novih sadržaja u skladu sa potrebama i mogućnostima.
- Pripremiti i usvojiti Operativni plan rada Udruženja sa svim tehničkim detaljima.
- Nastaviti dobru praksu na promociji koncepta individualnog i kolektivnog članstva svih šumarskih institucija, preduzeća, te ostalih pravnih subjekata.

OSIGURANJE STABILNE FINANSIJSKE KONSTRUKCIJE ZA FUNKCIONIRANJE UDRUŽENJA

- Realizirati potpisivanje svih bilateralnih ugovora o kolektivnom članstvu sa preduzećima šumarstva i ostalim zainteresiranim pravnim licima.
- Uz adekvatan angažman svih članova Udruženja, aplicirati na javne pozive za realizaciju projekata raspisane od strane domaćih i stranih institucija iz djelokruga rada i interesa Udruženja.
- Intenziviranje kontakata sa društveno odgovornim javnim i privatnim preduzećima u cilju osiguranja sponzorstva, donacija i finansijske podrške za rad Udruženja.

POVEĆANJE BROJA ČLANOVA I KREIRANJE BAZE PODATAKA O ČLANSTVU UDRUŽENJA

- Nastaviti aktivnosti na redovnom registriranju novih članova Udruženja i održavanja postojeće baze podataka.
- Realizirati koncept kolektivnog članstva svih preduzeća šumarstva u BiH koja prepoznaju Udruženje kao strukovno udruženje koje promovira njihove interese i posvećeno je unaprijeđenju gospodarenja i zaštite šumskih resursa.



UDRUŽENJE INŽENJERA I TEHNIČARA ŠUMARSTVA FEDERACIJE BOSNE I HERCEGOVINE
ASSOCIATION OF FORESTRY ENGINEERS AND TECHNICIANS FEDERATION OF BOSNIA AND HERZEGOVINA

T.R.N.: 1011010000430716 - Privredna banka Sarajevo

ID: 4200201050000; P.B.: 01078773

- Dopunjavati postojeću bazu podataka inženjera šumarstva na području Federacije Bosne i Hercegovine i redovno je osvježavati na web stranici Udruženja.
- Registrirati stranicu Udruženja na jednoj od društvenih mreža koje se nalaze na internetu (Facebook, Twitter i sl.) radi transparentnosti rada i promocije Udruženja.
- Promovirati koncept kolektivnog i individualnog članstva.
- Vršiti aktivan angažman na podsticanju prijema u članstvo Udruženja, novih, a posebno mladih kolega.

**AKTIVNO UKLJUČIVANJE UDRUŽENJA U AKTUELNA PITANJA U VEZI ŠUMARSTVA I
JAČANJE SARADNJE NA NACIONALNOM I MEĐUNARODNOM NIVOU**

- Nastavak aktivnosti na unaprijeđenju saradnje sa sličnim strukovnim organizacijama šumarstva u regionu i šire, u cilju promoviranja razmjene iskustava i stručnih dostignuća.
- Jačanje aktivnosti u radu Savjeta šumarskih udruženja Bosne i Hercegovine na principima uzajamnih partnerskih odnosa i fer distribucije uloženi napora i ostvarenih efekata.
- Nastaviti kontinuirano izražavanje spremnosti Udruženja da konstruktivno saraduje sa svim relevantnim subjektima u oblasti šumarstva, zakonodavnom i izvršnom vlašću, nevladinim sektorom, naučno-obrazovnim institucijama i međunarodnim organizacijama u cilju očuvanje šumskih resursa i unaprijeđenja razvoja sektora šumarstva u BiH.
- Aktivno učešće organa i članova Udruženja u aktivnostima i procesima razvoja nacionalne šumarske i okolišne politike, koji su inicirani od strane vladinih organa, nevladinog sektora, naučnih institucija, preduzeća i sl.
- Organiziranje učešća zainteresiranih članova Udruženja (na komercijalnoj osnovi) na sportskim i stručnim manifestacijama, kako u zemlji tako i u inozemstvu.
- Uzeti učešće na međunarodnim naučnim skupovima u BiH i inostranstvu.
- U kordinaciji sa predstavništvom Njemačke privrede u Bosni i Hercegovini - kancelarija Sarajevo, organizirati odlazak bh šumara na sajam INTERFORST – Minhen 2014. u julu 2014. godine.
- Finalizirati započete aktivnosti na odlasku bh šumara na stručnu ekskurziju u Republiku Njemačku (HessenForst i BW Forst i Institut za šumarstvo Freiburg) za oktobar 2014. godine. Tema posjete: Primjena savremenih tehnologija u iskorištavanju i uređivanju šuma.
- Finalizirati započete aktivnosti na odlasku stručne ekskurzije za Srbiju - Mađarska, u toku 2014. godine. Tema: Šumarstvo i gospodarenje sa lovnom divljači.
- U saradnji sa "Sarajevo šumama", TIKA-om i Generalnom direkcijom za šumarstvo Republike Turske finalizirati projekat "Park šume Prijateljstva" u Sarajevu. Ukoliko se nebudu aktivnosti odvijale po planu, organizirati posjetu novom direktoru Turskih šuma po pitanju realizacije projekta i nastavka daljih aktivnosti na novim projektima.



UDRUŽENJE INŽENJERA I TEHNIČARA ŠUMARSTVA FEDERACIJE BOSNE I HERCEGOVINE
ASSOCIATION OF FORESTRY ENGINEERS AND TECHNICIANS FEDERATION OF BOSNIA AND HERZEGOVINA
T.R.N.: 1011010000430716 - Privredna banka Sarajevo
ID: 4200201050000; P.B.: 01078773

UNAPRIJEĐENJE IMIDŽA ŠUMARSKE STRUKE U JAVNOSTI

- Finalizirati aktivnost na premještanju muzejske postavke u kancelariju Udruženja iz Fojnice (obezbjeđen su potrebni ormari za muzejsku postavku u kancelariji Udruženja).
- Nastaviti saradnju sa svim medijima u Bosni i Hercegovini i inozemstvu, promoviranjem značaja šumskih resursa i šumarske struke u javnosti, te nastaviti aktivnosti sa oglašavanjem u printanim i elektronskim medijima i web stranici Udruženja.
- Nastaviti dobru praksu oglašavanja Udruženja povodom svih aktuelnih pitanja iz sektora šumarstva, lovstva i zaštite prirode i okoliša.

JACANJE EDUKACIONIH AKTIVNOSTI I PROMOVIRANJE STRUČNOG UNAPRIJEĐENJA ČLANOVA UDRUŽENJA

- Organizirati stručno - edukativne seminare za članove Udruženja na osnovu iskazanih potreba i aktuelnih problema u sektoru šumarstva.
- Uzeti aktivno učešće na domaćim stručnim seminarima, savjetovanjima i raspravama po aktuelnim temama vezanim za djelovanje Udruženja.
- U skladu sa mogućnostima organizirati Kongres ili simpozijum o šumarstvu, po pitanju aktuelne problematike u šumarstvu Bosne i Hercegovine.
- Uzeti učešće na međunarodnim kongresima, simpozijumima i konferencijama po aktuelnim temama vezanim za djelovanje Udruženja.
- Organizirati (na komercijalnoj osnovi) posjete članova Udruženja sajmovima šumarstva i lovstva u BiH i inostranstvu.
- Organizirati minimalno dvije studijske posjete za članstvo u BiH ili inostranstvu.
- Nastavak aktivnosti na promoviranju koncepta cjeloživotnog učenja.
- Organizirati prijem delegacije kolega iz Republike Turske i drugih zemalja po pitanju šumskih požara i drugih aktivnosti iz oblasti šumarstva za koje su ukažu potrebe.

JACANJE IZDAVAČKE DJELATNOSTI

- Nastaviti kontinuirano izdavanje časopisa "Naše šume".
- Završiti projekat u sklopu svečanosti obilježavanja Svjetskog dana šuma u realizaciji Uprave za šumarstvo SBK.
- Nastaviti u skladu sa mogućnostima aktivnosti na publikovanju prigodnih stručnih knjiga, publikacija i monografija.



UDRUŽENJE INŽENJERA I TEHNIČARA ŠUMARSTVA FEDERACIJE BOSNE I HERCEGOVINE
ASSOCIATION OF FORESTRY ENGINEERS AND TECHNICIANS FEDERATION OF BOSNIA AND HERZEGOVINA

T.R.N.: 1011010000430716 - Privredna banka Sarajevo

ID: 4200201050000; P.B.: 01078773

Preduslov za realizaciju svih navedenih aktivnosti je osiguranje neophodnih finansijskih sredstava, veća posvećenost i angažman članova Predsjedništva i ostalih organa, ali i svih članova Udruženja.

Plan rada za 2014. godinu je okviran, jer je 2014. Izborna godina u organima Udruženja, te će novoformirano Predsjedništvo Udruženja na prvim sjednicama pripremiti Operativni plan rada za 2014. godinu sa svim potrebnim tehničkim detaljima, kako bi Udruženje nesmetano nastavilo obavljati svoje aktivnosti.

Svi prijedlozi i sugestije u cilju unaprijeđenja Plana rada za 2014. godinu su dobro došli, a posebno od strane delegata Skupštine Udruženja.

Predsjedništvo
Udruženja inženjera i tehničara šumarstva FBiH